

# أَفْسُسْ

1

## إِفْرُ زَوَارَن

<sup>1</sup> غ دَارُ بُولُسْ لِي سَ إِرَا رَبِّي أَتَّ إِكْ دَ أُرْقَاصَ نَ يَسُوعَ لَمَسِيحِ، اِبِيَّتْ رَبِّي لِي لَانِينِ غَ أَفْسُسْ، دَ اِمُومَنَ لِي كَنِينِ وَبِنَ لَمَسِيحِ يَسُوعَ. <sup>2</sup> أَرُ نَتَضَلَابَ غَ رَبِّي لِي يِنْكَانَ بَابَاتَتَخَ دَ سِيدِيَتَتَخَ يَسُوعَ لَمَسِيحِ أَدَاوَنَ اِفَكْ لَبْرَكَا نَسْ دَ لَهِنَا نَسْ.

<sup>3</sup> أَرُ نَتَشَكَارُ رَبِّي بَابَاسَ نَ سِيدِيَتَتَخَ يَسُوعَ لَمَسِيحِ لِي يَآخَ اِفَكَانَ كَرِيكَاتَ اَنَاوُ نَ لَبْرَكَا نَ رُوحَ غَ اِكُنُوَانِ غَ لَمَسِيحِ، <sup>4</sup> أَشْكَو اِسْتِي يَآخَ كَيْسِ اُورْتَا يَاكْ اِسْكَرُ دُونِيَتَ اَنْكَ وَبِنَسْ، نْكَ وَلِي غَ اُورُ اِلِي لَعِيْبَ غَ لُكَدَامَ نَ وَالَنَ نَسْ غَ تَايِرِي، <sup>5</sup> اِزْلِي يَآخَ غَمْنُ غَاذَ اِزْرِيْنِ اَدَاخَ اِكَ تَرُوَا نَسْ سَ يَسُوعَ لَمَسِيحِ، أَشْكَو غَمَكَانَ اَسْ اِفْرُحَ اِكَ شُورُ نَسْ. <sup>6</sup> اُرْتُ نَتَشَكَارُ فُ لِحَانَتَ نَسْ اِكُوتَنَ لِي يَآخَ اِفَكَا سَ بُوَسْ لِي دَارَسْ اِعْرَانِ. <sup>7</sup> نَتَانُ اَدَاخْ اِفْدَانِ سَ اِدَامَنَ نَسْ، اِغْفَرَاخَ دُتُوبَ نَخْ، سَ تُوَكْتَنَ نَ نَعْمَتَ نَسْ <sup>8</sup> لِي سَاخَ اِدَلْ دَ كَرِيكَاتَ لِحِكَمَا دَ لَفْهَمَ لِي يَآخَ اِفَكَا، <sup>9</sup> اِمَلْ اَخَ سَرُ نَ شُورُ نَسْ، غَمَكْلِي سَ اِفْرُحَ اِفْصَاتَ غَ لَمَسِيحِ. <sup>10</sup> مِيَاذَ لِي كَيْسِ اِفْصَادَ رَبِّي اِرَانِيْدَ اِكْمَلْ اِغْ اِلْكُمْ اَزْمَزْ نَسْ، اِكَ كَرِيكَاتَ تَعُوَسَا غَ دُو اُفُوسَ نَ لَمَسِيحِ، غَ كَانَتَ تَعُوَسُوِيْنِ لِي لَانِينِ غَ اِكُنُوَانِ اَلَا تَلِي لَانِينِ غَ وَكَالَ. <sup>11</sup> اُدْمُ نَسْ اَفَاخَ اِزْلِي رَبِّي غَمْنُ اِسْ اِزُورُ اَنْكَ وَبِنَسْ، غَمَكْلِي يَقْصَادَ نَتَانِ لِي يَسْكَارَنَ كَرِيكَاتَ تَعُوَسَا سَ غَمَكْلِيْدَ اِمَشُوشْكَانَ دَ شُورُ نَسْ، <sup>12</sup> فَاَنْكَ نَكْنِي لِي زُورُوبِيْنِ اِسْ دَارْنِخَ اِلَّا رَجَا غَ لَمَسِيحِ وَلِيْتِ تَالْغِينِ اُرْتُ تَمَجَادَنَ. <sup>13</sup> تَكْمُ وَبِنَسْ اَلَا كْنِي، لِيْغَ تَسْفَلْدَمُ اِوَالِ نَ لِحَقْ، أَتَّ اِكَانَ دَ وَوَالِ نَ لِنَجِيْلِ لِي يَاوُنْدَ يُوِيْنِ نَجَا، لِيْغَ سَرَسْ تُوْمَنَمُ يَلِي فَلَوَنَ رَشْمَ نَ رُوحَ لَقْدُسْ لِي سَاوَنَ اِقَاوَلْ رَبِّي، <sup>14</sup> اِكَ لَعْرُبُونِ نَ اِسْ رَا نَامَزْ تَكْسِيْتِ، اُرْكِغْدَ اِفْدَا وَلِي كَنِينِ وَبِنَسْ، أَتَّ نَتَالْغَ اُرْتُ نَتَمَجَادُ.

<sup>15</sup> غَمْنُ لِيْغَ سَقْلَدْخَ اَلَا نَكِي فُ لِيْمَانِ نُونِ سَ سِيدِيَتَتَخَ يَسُوعَ، دَ تَايِرِي نُونِ اِبِيَّتْ رَبِّي كُوتَنَ، <sup>16</sup> اُرُ بَدَا فَلَوَنَ تَشَكَارُخَ رَبِّي، اُرْكَنْدَ نَكْتَايْخَ غَ طَزْ لَا نُو، <sup>17</sup> اَدَاوَنَ اِفَكْ بَابَ نَ سِيدِيَتَتَخَ يَسُوعَ لَمَسِيحِ لِي يِنْكَانَ بَابَ نَ لَمَجْدَ، رُوحَ نَ لِحِكَمَا دَ لَفْهَمَ اِسْبَايِنَ اُوْتِنِيْدَ غَمَكْلِي يِنْكَا، <sup>18</sup> اِرْزَمُ اَلَنَ نَ وَوَلَاوَنَ نُونِ، اُنِيْسَانَمُ رَجَا لِي سَاوَنَ اِعْرَا، نِيْسَانَمُ تُوَكْتَنَ نَ لَمَجْدَ لِي رَاَتْكَوسُومُ غَ كَرُ وَلِي كَنِينِ وَبِنَسْ، <sup>19</sup> نِيْسَانَمُ تُوَكْتَنَ نَ لَجْهْدَ نَسْ لِي اُورُ اِلِيْنِ اَنَاوُ اِرَاخَ سَرَسْ اِتَاوَسْ نَكْنِي لِي اُمْنِيْنِ. تُوَكْتَنَ نَ لَجْهْدَ اُدْ نِيْتِ <sup>20</sup> اَسْدُ اِسْكَرُ لَمَسِيحِ غَ كَرُ وَلِي مُوتِنِيْنِ، اِسْكَاوَرْتُ غَ اَفَاسِي نَسْ غَ اِكُنُوَانِ، <sup>21</sup> فُ اَفْلَا نَ كَرِيكَاتَ تَبْتَبُصِيْنِ دَ لِحِكَامَ دَ لَجْهْدَ تَمُوعْرَا،

إِسْمُغُورٍ إِسْمُ نَسْ فِ كَرِيكَاتٍ إِسْمُ لِي يَلَانَ عِ تُوذِرْتِ أَدُّ أَلَا تَلِي رَادَّ يَأْشُكُ، <sup>22</sup> إِيكَ كَرِيكَاتٍ تَعَوَسَا عِ دُو  
إِضَارَن نَسْ، إِيكَتِ دُ إِخْفِ نْ لَكْنِيَسَا يَلِي فِ كَرِيكَاتٍ تَعَوَسَا. <sup>23</sup> لَكْنِيَسَا تَكَا دَاتِ نَسْ تَكِ تَلِي يَتَكْمَالَنُ وَلِي  
يَتَكْمَالَنُ كَرِيكَاتٍ تَعَوَسَا عِ كَرِيكَاتٍ تَسْكَا.

2

## إِفْرُ وِيسِ سِينِ

<sup>1</sup> عَادَ إِزْرِينِ تَكْمَتِينِ تَمُوتَمِ فِ سَبْتِ نْ لَمْعَصِيَّاتِ نُونِ دُ دُنُوبِ نُونِ <sup>2</sup> لِي سَتِينِ تَكَامِ أَرْتَنِ تَسْكَارَمِ عَادِ  
إِزْرِينِ تَضْفُورَمِ گَارِ تَغْرَسِينِ نْ دُونِيَتِ، دُ إِبْلِيَسِ لِي يِيكَانِ أَرِيَّاسِ نْ تَكَلْدِيَتِ نْ وَضُو، إِيكَ رُوحِ لِي  
يَمْلُكُنْ وَلِي عَصْنِينِ رَبِّي، <sup>3</sup> نَكْتِينِ أَلَا نَكْنِي نَكَا كَلُو كِيَسَنِ، أَرْنَسْكَارِ سِ گَارِ شَهَوَاتِ نْ دَاتِ نَخِ، نَضْفُورِ  
لُغْرَضِ نْ دَاتِ دُ گَارِ إِسُونِگِيمَنِ نَسْ، نَلَالَدُ زُونَدُ كَلُو مَدَنِ نَلِي عِ دُو لُغَضَبِ نْ رَبِّي، <sup>4</sup> وِلَايِنِي رَبِّي  
إِسُوگَتِ فَلَاحِ رَحْمَتِ نَسْ، إِحُوبُويَاخِ بَهْرَا، <sup>5</sup> عَانَ أَفَاخِ إِيكَ دُ وِيَدِ دَرِينِ دُ لَمْسِيحِ مَقَارَتِينِ نَكَا نَمُوتِ سِ  
دُنُوبِ نَخِ، أَشْكَو نَعْمَتِ نْ رَبِّي أَسْ تَتَجَمِ. <sup>6</sup> إِسْتَكْرَاخْدُ رَبِّي عِ لَمُوتِ دُ لَمْسِيحِ، إِسْكَورَاخِ دِيْدَسِ عِ إِكْنُوانِ  
أَشْكَو نَكَا وِينَسِ، <sup>7</sup> إِسْكَرُ كِيَنِيخِ أَفُولْكِ سِ لَمْسِيحِ يَسُوعِ، فَادَانِيخِ إِمْلِ تُوگَتِ نْ رَحْمَتِ نَسْ لِي أُوْرِ إِيْلِينِ  
نَمِي عِ أَرْمَزِ أَدُّ أَلَا إِزْمَازِ لِيْدِ كِنِينِ لَكْدَامِ. <sup>8</sup> أَشْكَو نَعْمَتِ نْ رَبِّي أَسْ تَتَجَمِ، سِ لِيْمَانِ نُونِ، مِيَادُ أُوْرْكَنْدِ  
إِيْكِ كَنِي وِلَايِنِي أَيِگَا تَكِيَتِ نْ رَبِّي. <sup>9</sup> أُوْرِ إِيْلي سِ لَاعْمَالِ أَدُّ أُوْرِ إِتْعَنَا يَانَ سِ إِخْفِ نَسْ. <sup>10</sup> نَكْنِي أَنْكَا دُ  
أَيْلِي يِسْكَرُ رَبِّي، إِخْلَقْ أَخِ عِ لَمْسِيحِ فِ أَنْسْكَارِ لِأَفْعَالِ عَدْلِينِ لِي يَجُوجَادُ عَمَنُ عَادِ إِزْرِينِ فِ أَنْتِ  
نَسْكَارِ.

<sup>11</sup> هِيَّ إِكْتِيَادِ إِزْدِ لَكْنُوسِ أَتْكَامِ سِ لِأَصْلِ، أَرْكَنِ تَتْعَانْتِ وِلِي خَتْنِينِ سِ وِلِي أُوْرِ خَتْنِينِ مَقَارِ تَكَا لُخْتَانَتِ  
أَيْلِي يِسْكَرُ بِنَادَمِ عِ دَاتِ نَسْ سِ أَفُوسِ نَسْ، <sup>12</sup> إِكْتِيَادِ إِسْتِينِ تَكَامِ عَكُودَانِ أُوْرِ تَسْتَمِ لَمْسِيحِ، تَكَمِ إِيرَانِينِ  
فِ أَيْتِ إِسْرَائِيلِ، أُوْرِ تَسْتَمِ يَاتِ فِ إِدْ لَعَهْدِ لِي سَاسِنِ إِقَاوَلِ رَبِّي، أُوْرِ دَرُونِ كَرَانَ رَجَا عِ دُونِيَتِ أَلَا  
تَسْتَمِ رَبِّي. <sup>13</sup> وِلَايِنِي غِلَادِ عِ تَكَامِ وِينِ لَمْسِيحِ يَسُوعِ، كَنِي لِيْنِ أَكُوكْنِينِ عَادِ إِزْرِينِ فِ رَبِّي، تَوْرِيْمِ تَكِيمِ  
وَلِيْنِ سَرَسِ أَكْمُورِينِ سِ إِدَامَنِ نْ لَمْسِيحِ. <sup>14</sup> أَشْكَو لَمْسِيحِ سِ إِخْفِ نَسْ أَيِگَانَ لَهْنَا نَخِ، إِيكَ وِلِي يِيكَانِ  
أُوْدَايِنِ دُ لَكْنُوسِ دُ يَانَ، إِخْلُو أَغْرَابِ نْ لَعْدَاوَتِ لِيْتِنِ إِيْضَانَ. <sup>15</sup> إِسْتِي لُوصِيَّاتِ نْ شَرَعِ دُ لَفْرَايِضِ نَسْ  
سِ لَمُوتِ نَسْ، أَكِيَسِ كُنْ أُوْدَايِنِ دُ لَكْنُوسِ يَانَ كُنْ وِينِ لُجْدِيْدِ، عَمْكَانِ أَسْ رَا إِسْكَرُ لَهْنَا عِ كَرَاتَسِنِ، <sup>16</sup>  
إِصْمُصْلِيحْتِنِ دُ رَبِّي كُنْ زُونَدِ يَاتِ دَاتِ، إِسْتِي لَعْدَاوَتِ عِ كَرَاتَسِنِ سِ لَمُوتِ نَسْ فِ إِيْكِ نْ صَلِيْبِ. <sup>17</sup>  
يَأْشْكَدُ إِيْشْرُكُنْ سِ لَهْنَا، كَنِي لِيْنِ أَكُوكْنِينِ فِ رَبِّي أَلَا كَنِي لِي سَرَسِ أَكْمُورِينِ. <sup>18</sup> أَشْكَو لَمْسِيحِ أَسْ  
نَرْضَارِ كَلُو يَاخِ أَنْ نَكْمُورِ سِ دَارِ بَابَاتْنِيخِ سِ يَانَ رُوحِ. <sup>19</sup> هِيَّ أُوْرِ سُولِ تَكِيمِ إِمْرَانَ دُ إِيرَانِينِ، وِلَايِنِي  
غِلَادِ تَكَامِ يَانَ دُ أَيْتِ رَبِّي، تَكَمِ عِ أَيْتِ تَكْمِي نَسْ، <sup>20</sup> تَبْنُومِ فِ لَسَاسِ نْ إِرْقَاصِنِ دُ لِأَنْبِيَا، إِيكَ يَسُوعِ

لَمَسِيحٍ سَ إِخْفَ نَسْ أَرْوُ نَ تَغْمَرْتْ، <sup>21</sup> لِي سَ كَلُو اِتْعِي لُبِّي أَرُ اِتْرِيَادُ اَيْكُ لَهَيْكَلِ نَ رَبِّي. <sup>22</sup> نَتَانُ اَكْنُ  
كَلُو اِنَانُ اَلَا كَنِّي اَشْكُو تَكَامَ وَيِنْسُ، اَتَكْمُ تَكْمِي نَ رَبِّي لِيغُ اَيْرِدَغُ سَ رُوْحُ نَسْ.

3

### اِفْرُ وَيَسَّ كَرَاضُ

<sup>1</sup> مِيَادُ اَفَ لِيغُ غِلَادُ غَ لَحْبَسُ نَكِينُ بُولْسُ، فَ سَبَّتَ نَ يَسُوغُ لَمَسِيحٍ دَ سَبَّتَ نُونُ كَنِّي نَ لَكْنُوسُ. <sup>2</sup> اُورُ  
كَيْسُ شَكَّ اِسْ تَسَقْلَدَمُ اِزْدُ نَعْمَتُ نَ رَبِّي اَسْ اِي اِفْكَا تُووَرِي اُدُ نُونُ. <sup>3</sup> اِمْلِي سَرَّ نَسْ غَ تُووَرِيَتْ. غَمَكْلِي  
يُوْنِيَنَ يَادُ اُرِيخُ سَ كَرَا نَ اُولِيوُنُ دَرُوسْنِيَنُ. <sup>4</sup> دَ اِغُ تَعْرَامُ مِيَادُ لِي يُوْنِيَنَ اُرِيخُ تَرَضَارْمُ اَتَيْسَانْمُ فَ لَفْهَمُ  
اِنُو اِسْرَ نَ لَمَسِيحِ. <sup>5</sup> سَرَّ اُدُ اُورْتِ اِمْلِي رَبِّي اِمْدَنُ غَ تَسُوْتِيَنَ لِي زَرِيْنِيَنُ، غَمَكْلِي تِيْدُ اِمْلَا غِلَادُ سَ رُوْحُ  
نَسْ اِيْرَقَاصْنُ نَسْ دَ لَانِيَا لِي كَنِيَنُ وَيِنْسُ. <sup>6</sup> سَرَّ اُدُ اِگَاتُ اِسْ رَاْدُ مَشْرَاكْنُ لَكْنُوسُ تَكْسِيَتِ دَ وُدَايْنُ، كَنُ  
دِيْدَسْنُ زُوْنْدُ لَجُوَارِحُ نَ يَاتُ دَاتُ، تَلِي دَارَسْنُ تَصْعَارْتُ غَ اَيْلِي سَ اِقَاوَلُ رَبِّي غَ لَمَسِيحِ يَسُوغُ سَ لَفْضَلُ  
نَ تِيْرَاتُ نَ لِنَجِيْلُ، <sup>7</sup> لِي مَ كِيخُ اَخْدَامُ سَ نَعْمَتُ نَسْ لِييُ يَفْكَا دَ لَجْهْدُ نَسْ. <sup>8</sup> مَقَارُ كِيخُ وَلِي كَلُو مَزِيْنُ  
اِيَيْتُ رَبِّي، اِفْكَايُ نَعْمَتُ نَسْ، اُدُ تَيْشَارُخُ لَكْنُوسُ سَ وَفُوْلِكِي نَ لَمَسِيحِ لِي اُورُ اِلِيْنُ تَمَّا، <sup>9</sup> اَرُ مَالُخُ  
اِكْرِيْكَاتُ يَانَ لَمَعْنَا لِيْنُ كَيْسُ اِكَا رَبِّي غَ سَرَّ اُدُ لِيْنُ دَارَسُ اِسْتَلُّ تَسُوْتِيَنَ اُدُ كَلُو زَرِيْنِيَنُ، نَتَانُ لِي يَسْكُرُنُ  
كْرِيْكَاتُ تَعُوْسَا سَ يَسُوغُ لَمَسِيحِ. <sup>10</sup> اُدُ اِسْبَايْنُ رَبِّي غِلَادُ لَحْكَمًا نَسْ غَ كْرِيْكَاتُ تَعُوْسَا سَ لَكْنِيْسَا، اُولِي  
كَنِيْنُ اِرِيَّاسْنُ دَ وَلِي اُمْرِيْنُ تَنْبَاضِيْنُ غَ اِكْنُوَانُ، <sup>11</sup> اِكُ غَمَكَاْنُ اَيْلِي فَ يَادُ اِسْكُرُ رَبِّي غَمْنُ اِسْ اِزُووَرُ  
اِكْمَلْتِيْدُ سَ لَمَسِيحِ يَسُوغُ سِيْدِيْتِيْنُخُ. <sup>12</sup> نَكْنِي لَمَسِيحِ اَسْ رَانَ نَكْمُورُ سَ دَارُ رَبِّي سَ لِيْمَانَ نَخُ سَرَسُ، نَزْعَمُ  
نَحْفَاقُ اِسْ رَدَانُخُ اِسْفَلِيْدُ. <sup>13</sup> غَانَ اَفَ اَكِيوُنُ تَضَلَاْبِيْخُ اُدُ اُورُ اِيْبِي لَجْهْدُ نُونُ فَ سَبَّتَ نَ تَرْفُوْفَنْتُ لِي فِلَاوُنُ  
تَرْفُوْفُوْنُخُ، اَشْكُو اِسْ اِخْصَا اَسْرَسُ تَزْعَمُ.

<sup>14</sup> مِيَادُ اَفَ كَنُوْخُ فَ اِفَادَنْ اِنُو سَجْدُخُ غَ اُمْنِيْدُ نَ بَابَاْسُ نَ سِيْدِيْتِيْنُخُ يَسُوغُ لَمَسِيحِ، <sup>15</sup> نَتَانُ لِي يِيْنْكَانُ اِسْمُ  
اِكْرِيْكَاتُ تَقْبِيْلَتُ غَ اِكْنُوَانُ اَلَا اَكَالُ. <sup>16</sup> اَرَاْسُ تَضَلَاْبِيْخُ اَكْنُ اِسْدُوَاْسُ غَ اُولَاوُنُ نُونُ سَ رُوْحُ نَسْ، سَ  
تُوْكَتُ نَ لِبْرِكَاتُ نَسْ، <sup>17</sup> فَ اَيْرِدَغُ لَمَسِيحِ سَ لِيْمَانَ غَ اُولَاوُنُ نُونُ، <sup>18</sup> تُوْتَمُ سَ اِزُوْرَانَ تَزْكَامُ غَ تَايْرِي،  
اَتْرَضَارْمُ كَنِّي دَ اَيْتُ رَبِّي كَلُوْتِنُ اَتْفَهْمُ مَنَشْكَ اَسْ تُوْسَعَا تَغْرِيْفُ تَتُوِي تَدْرُو تَايْرِي نَ رَبِّي، <sup>19</sup> تَيْسَانْمُ  
تَايْرِي يَادُ مَقَارُ كَلُو تُوْكَرُ كُوْلُ مَا يِسْنُ يَانَ، اُرْكِغُ تَكُورْمُ سَ اَيْلِي كَلُو يِيْكَانُ وَيِنُ رَبِّي. <sup>20</sup> اَيْلِي لَمَجْدُ  
اِرْبِي لِي يِرَضَارْمُ اَيْسْكُرُ سَ لَجْهْدُ نَسْ لِيْدُ كِيْنُخُ اِكَا اَكْغَارُ نَ اَيْلِي يَاسُ نَتَضَلَاْبُ دَ اَيْلِيغُ نَسُوْنِكِيْمُ. <sup>21</sup> اُدَاْسُ  
لِي لَمَجْدُ غَ لَكْنِيْسَا دَ لَمَسِيحِ يَسُوغُ غَ كْرِيْكَاتُ تَسُوْتُ تِيْنُ وَبَدَانَ. اَمِيْنُ.

## إِفْرُ وَيْسُ كُوْرُ

<sup>1</sup> أَرْكِيُونُ تَضَلَابُخْ نَكِّي لِي يِلَانْ غُ لِحْبِسْ فُ سَبَّتْ نْ سِيدِيْتَتَخْ: اَتْسَكَارْمُ غُ تُوْدَرْتُ نُونُ اَيْلِي فُ اِرْضَا رَبِّي لِي يَاوُنْ اِغْرَانْ. <sup>2</sup> كَسَاتْ لَكِيْبِرْ غُ اِخْفَاوُنْ نُونُ، اَرْتَكَامْ لُخَاطُرْ اِوِيَاضْ، تَصْبِرْمُ اِيْنِكْرَتُونْ سْ تَايْرِي. <sup>3</sup> كَاتَنْ كَرَا دَرُونْ نْ لُجَهْدْ اَتْعَمَامْ غُ نَمُونْتْ نْ رُوْحْ سْ لِهِنَا لِيكْنْ اِسْمُونْ. <sup>4</sup> اَشْكُو يَاتْ دَاتْ اَيْلَانْ، يِلِي دَارْنُخْ يَانْ رُوْحْ، اِغْرَاخْ رَبِّي سْ يَانْ رَجَا. <sup>5</sup> يَانْ سِيدِيْتَتَخْ اَيْلَانْ، يِلِي يَانْ لِيْمَانْ ذُ يَاتْ لَمْعُمُوْدِيَا، <sup>6</sup> يَانْ رَبِّي اَيْلَانْ اِيْكَ بَابَاَسْ نْ كَرِيْكَاتْ يَانْ، اِحْكَمْ غُ كُوْلْ مَائِلَانْ، اَرُ اِسْكَارْ اَفُوْلَكِي نَسْ سْ كُوْلْ مَائِلَانْ، يِلِي غُ كُوْلْ مَائِلَانْ. <sup>7</sup> وَايْنِي كَرِيْكَاتْ يَانْ كِيْتَتَخْ تَقَا يَاسْ نَعْمَتْ سْ غَمَكْلِي سَتْ اِيْضَا لَمْسِيْحْ. <sup>8</sup> مِيَاذْ اَفْ اَيْتِي وِرَا نْ رَبِّي: «لِيْعْ بِيوُنْ سْ اَفْلَا بِيوِي دِيْدِسْ اِمْكَرَافْ، اِفْكَ تِسْمَغْرِيْنْ اِمْدَنْ». <sup>9</sup> لِيْعْ اِنَا «بِيوُنْ»، لَمْعَنَا نَسْ اِسْ زُوَارْ اِيْكَوَزْ سْ اِزْدَارْ نْ وَاكَالْ. <sup>10</sup> وَايْدْ اِيْكَوَزْ اِدَاخْ بِيوُنْ سْ اَفْلَانْ اِيْكَوَانْ، فُ اَدُ اِلْمَا يِلِي غُ كَرِيْكَاتْ تَسْكََا. <sup>11</sup> نَتَانْ اِيْفْكَانْ اِيْكَرَا غُ مَدَنْ اَدُ كَنْ اِرْقَاصَنْ، اِفْكَ اِيْكَرَا كِيْتَسَنْ اَدُ سَوَالَنْ فُ اَيْلِي يَاسَنْ اِسْعَلْمُ رَبِّي، اِفْكَ اِوِيَاضْ اَدُ تَبْشَارَنْ، اِفْكَ اِوِيَاضْ اَدُ كَنْ اِمْكَسَاوُنْ ذُ اِسْلَمَادَنْ. <sup>12</sup> فُ اِيْجُوْجَاذْ وَايْ كَنِيْنْ وَيَسْ اِيْئُوْرِي نَسْ، اِيْئُوْ دَاتْ نْ لَمْسِيْحْ، <sup>13</sup> اَرْكِغْ كَلُو نَلْكَمُ اَنْكَ يَانْ غُ لِيْمَانْ نْكَ يَانْ غُ تُوْسَنَا نْ يُوْسْ نْ رَبِّي. نْكَ وَايْ لَانِيْنْ لَعْقَلْ نَسَنْ، اَرْكِغْ نْكَ وَايْدْ كَمَلْنِيْنْ زُوْنْدْ لَمْسِيْحْ. <sup>14</sup> اَسُوْلُ اُوْرُ نْكَ زُوْنْدْ اَرَاَنْ لِي سْ اَكِيْتَتْ تَضَنْكَوِيْنْ اُرْتَنْ اِتْوِي رِيْحْ نْ كَرِيْكَاتْ اَلْمُوْدْ، اُرْتَنْ كَنْدَنْ مَدَنْ سْ شَطَارْتْ نَسَنْ، غَضْرَتَنْ جَلُوْنْتَنْ. <sup>15</sup> وَايْنِي اِلَا فَلَاحْ اَنْسُوَالْ فُ لِحَقْ سْ تَايْرِي، اُرْتِيْمَغُوْرُ غُ كَرِيْكَاتْ تَغُوْسَا اَرْكِغْ نْكَ زُوْنْدْ لَمْسِيْحْ لِي يِنْكَانْ اِخْفْ نْ لَكْنِيْسَا، <sup>16</sup> نَتَانْ اَكَلُو اِحْكَمَنْ غُ دَاتْ اِسْمُونْ لَجُوَارِخْ نَسْ، اَرَاَسْ اِتَاوَسْ كَرِيْكَاتْ لُفْصَلْ سْ تُووْرِي نَسْ لِي فَلَاسْ اِلَانْ اَسْتْ اِسْكَرْ، اُرْتِيْمَغُوْرُ دَاتْ اُرْتَدُوَسْ سْ تَايْرِي.

<sup>17</sup> اَرَاوُنْ تَتِيْحْ مِيَاذْ اُرْكَنْ بَهْرَا فَلَاسْ تُوْصُوْحْ سْ اِسْمَنْ نْ سِيدِيْتَتَخْ: اَسُوْلُ اُوْرُ تَسْكَارْمُ اَيْلِي كَلُو سْكَارَنْ اِيْذْ وَايْ رَبِّي لِي سُوْنْكَيْمِيْنْ غُ اُوْرْدْ يَاتْ، <sup>18</sup> لَاسَنْ اِسُوْنْكَيْمِيْنْ نَسَنْ، تُوْدَرْتْ لِي يِكََا رَبِّي اَكُوْكَنِيْنْ بَهْرَا فَلَاسْ اَشْكُو فَنْ لَعْقُوْلْ نَسَنْ سِيْعَارَنْ اُوْلَاوُنْ نَسَنْ. <sup>19</sup> لِيْعْ سُوْلُ دَارَسَنْ اُوْرُ اِيْحْشَنْ يَاتْ، فُكَنْتْ اِلْفَسَادْ سَلَانْ ذُ كُوْلْ مَا اِلْسَنْ اُرْسُوْلُ سِكِيْلِيْنْ اُكَارْ. <sup>20</sup> اَمَّا كَنِيْ اُوْرْدْ غَمْكَانْ اَتْلَمْدَمْ فُ لَمْسِيْحْ، <sup>21</sup> اَشْكُو تَسْقَلْدَمْ يَادْ فَلَاسْ تَلْمْدَمْ لِحَقْ لِي يِلَانْ غُ يَسُوْعْ، <sup>22</sup> تَلْمْدَمْ اَكِيُوْنْ نْكَيْسَمْ كَارْ لَافْعَالْ نْ غَاذْ اِزْرِيْنْ، تَبْضُوْمُ ذُ كَارْ تَغْرَاسِيْنْ ذُ كَارْ شَهَوَاتْ لِيكْنْ اِتْغَرُوْنْ اُرْكَنْ تُوِيْنْتْ سْ لِهَلَاكْ، <sup>23</sup> تَبَادَلَمْ اِسُوْنْكَيْمِيْنْ نُونُ ذُ اُوْلَاوُنْ نُونُ سْ وِيْنْ لُجْدِيْدْ، <sup>24</sup> تَلْسَمْ صَفَاتْ لُجْدِيْدْ لِي كَنِيْنْ تِيْنْ رَبِّي، اُرْ تَبِيَانْ تُوْدَرْتْ نُونُ اِسْ تَصْلِحْ، تَغُوْسْ تِغْ تِيْنْ رَبِّي سْ لِحَقْ. <sup>25</sup> هِيْ بْضُوِيَاتْ ذُ اِيْكَرْكَاسْ، كُوْنْ يَانْ اُرْ اَيْتِي صَاَحْتْ اِوْدَجَارْ نَسْ، اَشْكُو لَجُوَارِخْ نْ يَاتْ دَاتْ اَكَلُو نْكََا. <sup>26</sup> اِيْغْ تَعْضَبَمْ هَاَنْ اَدُ اُوْرُ تَسْكَرْمُ كَرَا نْ دُنُوْبْ. اَنْ اُوْرُ تَضُرْ تَفُوْكَتْ فُ لُغْضَبْ نُونُ، <sup>27</sup> اَدُ اُوْرُ

تُسْكَارَمَ إِدِيسَ إِيْبِلِيسَ. <sup>28</sup> وَنَا إِتَاكَرَنَ أُسُولَ أُورَ إِتَاكَرَ، وَلاَيِّنِي إِلاَ فَلَاسَ أَيُخْدَمَ سَ إِفَاسَنَ نَسَ إِسْلاَ ذَ كَرَا  
 نَ مَائِصْلَحُنَ، فَ أَدَارَسَ يِلِي مَائِكَا إُولِي لُكْمِينِ. <sup>29</sup> أَذَ أُورَ تَجَامَ كَارَ أُوَالِ أَذَ إِفَعُ غَ إِمَؤُنَ نُونُ، وَلاَيِّنِي  
 سَوَلَاتَ أُوَالِ إِصْلَحُنَ لِي بِنِنَانِ لُكْمَنَ فَلَاسَ مَدَنَ، فَ أَكَّيسَ أُوِينَ إِمْسَقَلِيدَنَ لَفَايْتِ. <sup>30</sup> أَذَ أُورَ تَسَقْفَعَامَ رُوحَ  
 نَ رَبِّي لَقُدُوسَ لِي يِنْكَانَ تَمَارَتَ نَ إِسَ تِكَاَمَ وَبِنَ رَبِّي، إِكَ ضَمَمَانَا نَ إِسَ رَاتْتَجَمَ غَ وَاسَ إِكَرَانَ.  
<sup>31</sup> سَتِي يَاتَ غَ كَرْتُونُ كَرِيكَاتَ إِرِييَنَ ذَ سَخْضَ ذَ لَعْضَبَ ذَ تِمَاغَ ذَ طَرِيَتَ، تَرَكَاَمَ ذَ كُونِ مَائِهْرَسَنَ. <sup>32</sup>  
 سَكَرَاتَ أَفُولِكِي غَ إِنْكَرْتُونُ أَرْكَيسَنَ تَحْنُومَ، أَرَسَنَ تَصَمَاخَمَ غَمَكَلِي يَؤُونِ إِصَامْحَ رَبِّي أَلَا نَتَانَا سَ  
 لَمَسِيحَ.

5

### إِفْرَ وَيَسَ سَمُوسَ

<sup>1</sup> هِيَ ضَفُورَاتَ رَبِّي غَ أَيِّلِي يَسْكَارَ زُونَدَ تَرَوَا نَسَ لِي دَارَسَ عَزَانِينِ، <sup>2</sup> أَرْتَسْكَارَمَ أَيِّلِي يِنْكَانَ وَبِنَ  
 تَابِرِي، غَمَكَلِي يَآخَ إِرا لَمَسِيحَ إِسْبَلُ فَلَآخَ إِخْفَ نَسَ إِكَ أُسْكَمُورَ ذَ تَغْرَضِي يَجَانَ إِرْبِي.  
<sup>3</sup> وَلاَيِّنِي زَنَا ذَ كُولَ مَائِلَسَنَ ذَ طَمَعَ أَذَاكَ أُورَ إِيْبِيوْبِدِيرَ حَتَا إِسْمَ نَسَنَ غَ كَرْتُونُ، أَشْكَو مِيَانَ أُورَاتَ  
 سَكَرَنَ أَيْتِ رَبِّي، <sup>4</sup> أَذَ أُورَ تَنِيمَ أُوَالِ إِفَعُنَ أَغْرَاسَ، أَلَا وَبِنَ سَقَاهَتَ، أَلَا وَبِنَ تَضْصَا إِغَ إِعِيْبَ، وَلاَيِّنِي  
 أَفَلَاوُنَ إِلاَنَ ذَ أَذَ تَسْكَارَمَ إِرْبِي. <sup>5</sup> إِسْنَاتَ تَحْقَاقَمَ إِزْدَ وَنَا إِتْرْتُونُ ذَ وَنَا إِلسَنَ ذَ وَنَاغَ إِلاَ طَمَعَ لِي يِنْكَانَ غَ  
 لُجْدَا نَ لَاصْنَامَ إِسَ أُورَا إِكُوسُو تَكَلْدِيَتَ نَ لَمَسِيحَ ذَ رَبِّي. <sup>6</sup> هَانَ أَكَنَ أُورَ إِجْلُو يَانَ سَ وَوَالِ إِخْوَانَ،  
 أَشْكَو فَ سَبَبَتَ نَ مِيَادَ أَفَذَ إِتْكَوَزَ لَعْضَبَ نَ رَبِّي فَ وَليَتَ عَصِينِ. <sup>7</sup> هَانَ أَدِيدَسَنَ أُورَ تَمَشْرَاكَمَ مِيَانَ. <sup>8</sup>  
 أَشْكَو تَكَمْتِينِ تِكَاَمَ تَلَّاسَ، غَلَادَ تَفَاوَتَ أَتْكَامَ أَشْكَو تِكَاَمَ وَبِنَ رَبِّي. أَوَا سَكَرَاتَ زُونَدَ تَرَوَا نَ تَفَاوَتَ. <sup>9</sup>  
 أَشْكَو لُغَلَتَ نَ تَفَاوَتَ إِكَاتَ كُولَ مَائِعْدَلَنَ ذَ كُولَ مَائِصْلَحُنَ ذَ كُولَ مِيْكَانَ لِحَقَّ. <sup>10</sup> مَعَاتَ أَتِيَسَانَمَ أَيِّلِي  
 يَسْرَضُونُ رَبِّي. <sup>11</sup> أَذَ أُورَ تَسْكَارَمَ أَيِّلِي سَكَرَنَ أَيْتِ تَلَّاسَ، أَشْكَو أُورَ كَيْسَ كَرَا نَ لَفَايْتِ، أَفَلَاوُنَ إِلاَنَ ذَ  
 أَذَ تَسُوفَعَمَ أَيِّلِي سَكَرَنَ سَ تَفَاوَتَ. <sup>12</sup> أَشْكَو أَيِّلِي سَكَرَنَ غَ تَنْتَلَا إِخْشَنَ حَتَا أَتَ إِذْرَ يَانَ. <sup>13</sup> وَلاَيِّنِي كُولَ  
 مَادَ تَسُوفَعُ تَفَاوَتَ أَرُ إِلاَ إِتْبِيَانِ، أَيِّلِي يَبِيَانِ أَرُ إِتْكَا تَفَاوَتَ. <sup>14</sup> مِيَادَ أَفَ تَنْتِينِ: «وَا عَوَاذَ إِكَنَ نَكَرَدَ، نَكَرَدَ  
 غَ كَرُ وِلِي مُوتِنِينِ أَذَاكَ إِسُوفُو لَمَسِيحَ».

<sup>15</sup> أَوَا رَرَاتَ لَعَقْلَ سَ أَيِّلِي تَسْكَارَمَ تَلِيمَ لَعَقْلَ نُونُ، هَانَ أَذَ أُورَ تَكَمَ زُونَدَ إِذَ وَارَ لَعَقْلَ، <sup>16</sup> سَنْغَلَايْتِ  
 لُوقَتَ نُونُ غَ مَائِعْدَلَنَ أَشْكَو تَخْشَنَ لُوقَتَ. <sup>17</sup> هِيَ أَذَ أُورَ تَكَمَ إِذَ وَارَ لَعَقْلَ، وَلاَيِّنِي إِسْنَاتَ شُورَ نَ رَبِّي. <sup>18</sup>  
 أَذَ أُورَ تَكَمَ إِسْكَيرِينِ أَشْكَو تَوَكَّتَ نَ شَرَابَ أَرْتُوي سَ لَهْلَاكَ، وَلاَيِّنِي أَجَاتَ رُوحَ نَ رَبِّي أَكَنَ إِعْمَرَ، <sup>19</sup>  
 سَوَلَاتَ سَ إِنْكَرْتُونُ سَ لَمَزَامِيرَ أَرْتَسْبَاخَمَ أَرْتَسْلَعَامَ تَالْغَتِينِ نَ رُوحَ، أَرْتَرِيرَمَ أَرْتَهْلِيلَمَ غَ أُوَلَاوُنَ نُونُ

إِسِيدِيْتَتْخ. <sup>20</sup> أَرَبِدَا تَشْكَارَمَ إِرْبِي بَابَاتَتْخ فْ كَرِيْكَاتَّ تَغَوْسَا، سَ إِسْمَ نَ سِيدِيْتَتْخ يَسُوْغَ لَمْسِيْح. <sup>21</sup> كَاتْ لُوْقَرُ فْ لَمْسِيْح أُرْ نَسْفَلِيْدَمَ سَ إِنْكَرْتُون.

<sup>22</sup> سَفْلِيْدَامَتْ أَمْعَرِيْنَ سَ إِرْكَازَنْ نُونْتْ غَمْكَلِي تَسْفَلِيْدَمَتْ سِيدِيْتَتْخ، <sup>23</sup> أَشْكَوْ أَرْكَازَ إِكَأَ إِخْفَ نَ تَمْعَرَتْ نَسْ غَمْكَلِي يِنْكَأَ لَمْسِيْح إِخْفَ نَ لَكْنِيْسَا، تَنُكَ دَاتْ نَسْ، إِكَ وَلِي رَاسْتْ إِجَنْجَم. <sup>24</sup> أَكَانَ غَمْكَلِي تَسْفَلِيْدَ لَكْنِيْسَا سَ لَمْسِيْح، أَسْ إِخْصَا أَسْرَسْ سَفْلِيْدَنْتْ تَمْعَرِيْنَ سَ إِرْكَازَنْ نَسْتَنْتْ غَ كَرِيْكَاتَّ تَغَوْسَا. <sup>25</sup> إِرِيَاتْ أَيْرْكَازَنْ تَمْعَرِيْنَ نُونَ، غَمْكَلِي يِرَا لَمْسِيْح لَكْنِيْسَا إِسْبَلْ فَلَاسْ إِخْفَ نَسْ، <sup>26</sup> أَسْتْ إِكَ تِيْنَسْ إِسْغُوسْتْ سَ وَمَانَ دَ وَوَالَ نَ رَبِّي، <sup>27</sup> أَسْتْ إِكَ تِيْنَسْ تَنُكَ يَاتْ لَكْنِيْسَا إِفُولْكِينَ، إِغُوسَنْ لِيْغَ أُرْ إِلِي كَرَا نَ مَائِخْشَنْ أَلَا كَرَا نَ إِكَرَاشَنْ أَلَا كَرَا نَ لَعِيْبَ، وَلايْنِي رَاتْكَ تَادَ إِغُوسَنْ إِفَاغْتَنْتْ لَعِيْبَ. <sup>28</sup> غَمْكَانَ أَفَ إِلا فَ إِرْكَازَنْ أَدَ إِرِيْنَ تَمْعَرِيْنَ نَسَنْ زُونْدَ دَاتْ نَسَنْ. وَنَا إِرَانَ تَمْعَرَتْ نَسْ أَيْرَا دَ إِخْفَ نَسْ. <sup>29</sup> أَشْكَوْ حَتَّا يَانَ أُرَا إِتْحَسَا دَاتْ نَسْ، وَلايْنِي إِسْ أَيْسَ يَكَا مَاتَشْتَا إِطْهَلَا كِيْسَ، غَمْكَلِي يَسْكَارَ لَمْسِيْحَ أَلَا نَنْتَانَ إِلكْنِيْسَا. <sup>30</sup> أَشْكَوْ لَجُورِخَ نَ دَاتْ نَسْ أَنْكَأَ، نَنُكَ تَقِيَا نَسْ دَ إِخْسانَ نَسْ. <sup>31</sup> غَانَ أَفَانَ إِفَالَ أُرْكَازَ بَابَاسَ دَ مَاسَ إِمُونَ تَمْعَرَتْ نَسْ، كَنْ سِيْنَ لِي يَاتْ دَاتْ. <sup>32</sup> سَرَّ أَدَ إِمْقُورَ، وَلايْنِي أَفَ أَيْسَوَالَ عِيْدَ دَ لَمْسِيْحَ دَ لَكْنِيْسَا. <sup>33</sup> غَمْكَانَ دَ كَنِي، إِلا فَ كَرِيْكَاتَّ يَانَ أَيْرِي تَمْعَرَتْ نَسْ زُونْدَ إِخْفَ نَسْ، غَمْكَانَ تَمْعَرَتْ إِلا فَلَاسَ أَتُوقَرُ أَرْكَازَ نَسْ.

6

## إِفْرُ وِيْسَ سَضِيْصَ

<sup>1</sup> إِلا فَ تَرَوَا أَدَ سَفْلِيْدَنْ سَ وَليْتَنْ أُرُونِيْنَ سَ غَمْكَلِي يِرَا سِيدِيْتَتْخ، أَشْكَوْ مِيَادَ لِحَقَّ أَيْكَأَ. <sup>2</sup> طْهَلَا غَ بَابَاكَ دَ مَاكَ، تَنُكَ لُوصِيْتْ إِزُورَنْ لِي يِمُونَ دَ لِقُولَ أَدَ، <sup>3</sup> أَتَافَمَ لَبْرَكَاتْ، بِيْغَزِيْفَ لَعَمْرَ نُونَ غَ إِكِي نَ وَكَالَ. <sup>4</sup> إِلا فَلَوْنَ أَيْفَقِيْرَنْ أَدَ أُرْ تَسَقْفَعَامَ تَرَوَا نُونَ، وَلايْنِي سَنْكَرَانتْ تَرَبَامْتَنْ فَ لُوصِيَاتْ نَ سِيدِيْتَتْخ. <sup>5</sup> إِلا فَلَوْنَ أُولِي كَنِيْنَ إِسْمْكَانَ أَتَسْفَلِيْدَمَ سَ مَدَنْ لِي فَلَوْنَ لَانِيْنَ أَرْتَنْ تُوْقَارَمَ أُرْ تَسْكَارَمَ سَ لِحْسابَ نَسَنْ سَ نِيْتْ إِصْفَانَ، زُونْدَ إِغَ أَتَسْفَلِيْدَمَ سَ لَمْسِيْح. <sup>6</sup> أُرْدَ إِغَ أَكَأَ كِيُونُ سَمُوقُولَنْ أَسْ إِخْصَا أَنْ تَنُكَأَ صَاحْتْ سَ تُوُورِي نُونَ زُونْدَ يَانَ إِسْكِيلَنْ أَيْوِي رِضَا نَ مَدَنْ، وَلايْنِي كَاتْ زُونْدَ إِسْمْكَانَ نَ لَمْسِيْحَ أُرْ تَسْكَارَمَ أَيْلِي يِرَا رَبِّي سَ تَمَانَ نَ نِيْتْ نُونَ. <sup>7</sup> سَلَايْتْ تُوُورِي نُونَ سَ لَفْرَحَ زُونْدَ إِغَ تَخْدَمَ إِسِيدِيْتَتْخ، أُرْدَ إِمَدَنْ. <sup>8</sup> أَشْكَوْ أَدَ أُرْ تَنْتُومَ إِزْدَ أُونَشْكَ نَا إِسْكَرَ يَانَ غَ وَفُولْكِِي إِسْ رَادَاسَ فَلَاسَ إِفْرُوْ رَبِّي، إِكِيْتْ إِسْمْكَ نَعْتْ أُرْ إِكِي. <sup>9</sup> غَمْكَانَ دَ كَنِي أُولِي فَلَاسَنْ لَانِيْنَ، سَنْكَرَاتْ أَسَنْ أَلَا كَنِي غَمْكَانَ، أَتَنْ أُرْ تَهْدِيْدَمَ، تَسَانَمَ إِسْ كَلُوْ فَلَوْنَ إِلا يَانَ غَ إِكْنُوانَ، نَنْتَانَ أُرَا إِسْكَارَ أَدَمَاوَنْ.

10 أَوَّلَ إِكْرَانِ كَاتٍ وَبَيْنَ رَبِّي يَلِي كَبِيرُونَ لَجْهَدُ نَسْ، أَشْكُو لَجْهَدُ نَسْ إِكْوَت. 11 نَسَاتُ سَلَاخَ إِكْمَلْنَ لِي يِنْكَانَ وَبَيْنَ رَبِّي، أَتْرَضَارْمَ أَتَبِيدَمَ غَ لَكْدَامَ نَ تَخْتَالِ نَ إِبْلِيَسْ. 12 أَشْكُو أُورْدَ مَدْنِ أَدَ نَتْمَاغَ، وَلاَيِنِّي أَدَ نَتْمَاغَ دَ إِرْيَاسَنَ، دَ لِحْكَامَ لِي أُورُ نَسْمُوقُولُ، دَ وَلِي سَحْكَمْنِينِ غَ مَدْنِ لِي لاَيِنِ غَ تَلَّاسَ نَ دُونَيْتَ أَدَ، دَ لَجْبُونُ لِي دَارَ لَجْهَدُ غَ إِكْنَوَانِ. 13 هِيَّ أَسِيَاتُ سَلَاخَ إِكْمَلْنَ لِي يِنْكَانَ وَبَيْنَ رَبِّي أَتْرَضَارْمَ أَتْمَاغَمَ غَ وَاسَ نَ شَرَّ، تَبِيدَمَ غَ أُبْرَازَ إِغَ يَادَ تَكْمَلَمَ تَمِيغَتَ. 14 بَدَاتُ تَبِيكْسَمَ سَ لِحَقَّ، تَلْسَمَ مَايْصَلْحَنَ زُونْدَ دَرَعِ إِيدِمَارَنَ نُونِ. 15 كَاتُ سَيَعْرَ نَ أَتْسَلَكَمَ لَنْجِيلَ نَ لَهْنَا إِوِيَاضَ دَ إِدُوكَانَ إِيْضَارَنَ نُونِ. 16 فَ أَفْلَا كَلُو نَ مِيَادَ، أَسِيَاتُ لِيْمَانَ زُونْدَ أَسْنَتَلُ لِي سَ رَا تَسْنَسَمَ إِدَ نَشَابَ جَدْرَنِينِ لِي سَ إِكَاتِ إِبْلِيَسْ. 17 كَاتَنَ أَطَّاسَ نَ نَجَا نَ رَبِّي، تَسِيمَ سَيْفَ نَ رُوحَ لِي يِنْكَانَ أَوَّلَ نَ رَبِّي. 18 طَزَلَايْتُ سَ لَجْهَدُ نَ رُوحَ نَ رَبِّي غَ كَرِيكَاتِ أَزْمَزَ سَ كَرِيكَاتِ أَنَاوُ نَ طَزَلَايْتُ أَرُ تَضَلَابَمَ رَبِّي أَدَاوُنَ يَاوُسَ، تَوُوزَمَ فَ مِيَادَ أَرُ بَدَا طَزَلَامَ غَ لَجْهَتَ نَ أَيْتِ رَبِّي. 19 طَزَلَايْتُ غَ لَجْهَتَ إِنُوُ أَلَا نَكِي، إِغَ رَزْمُخَ إِمِي نُوُ أَيِّ يَفْكَ رَبِّي إِوَلِيوُنَ مَاسَ سَوَالْخَ دَ وَيَاضَ فَ سَرَّ لِي يَلَانَ غَ لَنْجِيلِ. 20 لَنْجِيلِ لِي مَ كِيخَ أَرْقَاصَ إِلَانَ غَ إِسْكَرَافَ نَ وَوُزَالَ. طَزَلَايْتُ فَادَ زَعْمَخَ أَسْرَسَ تَبْرَاحَ غَمْكَلِي فَلِي يَلَانَ.

21 وَلاَيِنِّي فَ أَتَيْسَانَمَ مَمْنَكُ أَدَ كِيخَ دَ مَادَ سَلَاخَ، هَنَّاينَ كَمَا إِعْزَانَ تِيخْكَسَ لِيْنِ إِتْكَانَ صَاحْتِ سَ تُوُورِي نَ سِيدِيْتَنَخَ إِرَادَ أَوُنَ كَلُو إِكْسَ لِأَخْبَارِ. 22 أَشْكُو غَانَ أَفَ أَوُنْتِينِ أُوَزْنَخَ أَتَيْسَانَمَ مَمْنَكُ أَدَ كِيخَ إِسْهَنَّا أُولَاوُنَ نُونِ.

23 أَرُ نَنْتَضَلَابَ غَ رَبِّي لِي يِنْكَانَ بَابَاتْنَخَ دَ سِيدِيْتَنَخَ يَسُوعَ لَمْسِيخَ أَدَاوُنَ إِفْكَ أَيِيْتَمَا لَهْنَا دَ تَايِرِي دَ لِيْمَانَ. 24 تَلِي لَبْرَكَا نَسَ دَ وَلِي كَلُو حُوبِنِينِ سِيدِيْتَنَخَ يَسُوعَ لَمْسِيخَ سَ تَايِرِي لِي أُورُ إِتْمَتَاتَنَ. آمِينِ. تَبُورَا إِيِيْتِ أَفْسُسَ غَ رُومَا فَ أَفُوسَ نَ تِيخْكَسَ.